

10. maj 2014

UPA 2014/30
Nikolaj Jeremiassen

**Danmarkimi kalaallit ilinniartut atugassaannik kollegienik sanaartornissaq siunertaralugu Naalackersuisut suliassamik aallartitseqqullugit peqquneqarnissaannik Inatsisartut aalajangiiffigisassaattut siunnersuut.
(Siumup Atassutillu Inatsisartunut ilaasortai)**

Siumup tungaviusumik anguniagaraa nunarput ilinniarsimassutikkut qaffasissumik inuusuttortaminit siunissami sulissuneqassasoq.

Tamanna makkunuunatigut qulakkeerneqassaaq. Meeqqat atuarfianni naleqquttunik atuarfeqartitsinikkut ilinniartitsisunik ilinniarsimasunik atuartinneqarnissamut periarfissaqartitsinikkut atuarfiup angajoqqaat angajoqaatullu akisussaafeqartut akornanni suleqatigiinnerup pitsaasumik aqutissiuunneratigut meeqqat atuarfianni ilinniartinnut ingerlaqqinnermi pitsaasunik atugassaqartitsinikkut aamma ineqarnikkut ilinniartunut oqinnerusumik aqutissiuussinissaq anguniartuarneqassasoq.

Ilinniagaqartut ineqarnikkut pitsaasumik tungavissinneqarunik Siumut isumaqarpoq ilinniagaqarnissaq inuusuttunit kajuminnartutut soqutigineqarluni ilinniakkanullu aallussinermik malitseqassasoq, aamma ineqarnikkut pitsaasunik atugassaqartitsinikkut.

Ilinniartunut ineqarnikkut pitsaasunik atugassaqartitsinissaq pingaarutilerujussuuvoq ilinniakkanut naammassinninnissamut ilinniagaq nunatsinni Danmarkimi nunanilu allani ingerlanneqaraluarpataluuniit.

Taamaattumillu Siumumi pingaartilluinnarparput nunatsinni ilinniartunut atugassarititaasut aamma ineqarnikkut pitsaasunik aqutissiuuneqartuassasut.

Siumup aamma Atassutip Inatsisartuni ilaasortaataasa pingaartilluinnarpaat ilinniagaqartunut nunatsinni Danmarkimilu ilinniartunut kollegie-nik periarfissaqartitsinissaq.

Ukiuni arlalinggortuni Danmarkimi ilinniartunut inissianik ajornartorsiuteqartarneq ilisimaarineqarpoq, iliuuseqartoqartariaqarneralu kinguarsarnagu aqutissiuuneqassasoq siunnersuuteqarnikkut aqutissiuuneqassasoq siunnersuuteqartut isumaqarput pingaartumik København-imi ilinniartunut inissianik amigaaqarneq eqqarsaatigalugu.

Taamaattumillu Siumumi Danmark-imi kalaallit ilinniartut atugassaannik kollegie-nik sanaartornissaq siunertaralugu Naalackersuisut suliassamik aallartitseqqullugit peqquneqar-

nissaannik Inatsisartut aalajangiiffigisassaatur siunnersuut Siumumiit tamakkiisumik taperparput.

Siumumiillu erseqqissassavarput nunatsinni ilinniartunut inissianik suli amigaateqaratta nunattinnilu sanaartornissat tunulliuunneqannginnissat Naalakkersuisunut eqqumafigeqqussavarput.

Nunarput namminersornermiit naalagaafigornissamut ingerlaarpoq taamaattumik Siumumiit inuusuttunut kaammattuutigissavarput ilinniarnikkut periarfissarititaasut atorluarlugit pisariaqarpat nunarsuaq angalaffigalugu ilikkagassat ujartorsigit siunissami inuttut aamma namminiilerumaarassi nunattalu pisariaqartippaasi maanna siunissamilu.

Siumumiit taamatut oqaaseqarluta Danmark-imi kalaallit ilinniartut atugassaanik kollegienik sanaartornissaq siunertaralugu Naalakkersuisut suliassamik aallartitseqqullugit peqquneqarnissaanik Inatsisartut aaliangiiffigisassaattut siunnersuut akuersaartumik ataatsimiititaliami susassaartumi sularineqarnissaa innersuupparput.